

U G O V O R

Br 0602-1531-5/18

Usluge revizije glavnog projekta izgradnje centralne mrtvačnice-prosekture sa
upravnom zgradom na groblju Bare

UGOVORNI ORGAN: KJKP «POKOP» d.o.o.Sarajevo, Mula Mustafe Bašeskije 38, kojeg
zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: „ĆEMA“ d.o.o. Sarajevo, ul. Zmaja od Bosne bb, kojeg
zastupa direktor Hasan Ćemalović(u daljem tekstu: Dobavljač)
ID broj: 4200070440001, porezni broj PDV: 200070440001.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog direktnog postupka javne nabavke – zahtjeva za dostavljanje ponude br: 0602-1531-2/18 od 26.04.2018. godine – Usluge revizije glavnog projekta izgradnje centralne mrtvačnice-prosekture sa upravnom zgradom na groblju Bare, prihvaćene ponude Dobavljača broj: 0602-1531-3/18 od 30.04.2018. godine i Odluke o odabiru ponuđača, broj: 0602-1531-4/18 od 03.05.2018. godine.

PREDMET UGOVORA

Član 2.

Predmet ovog Ugovora je usluga revizije glavnog projekta izgradnje centralne mrtvačnice-prosekture sa upravnom zgradom na groblju Bare, a prema prihvaćenoj ponudi dobavljača, koja čini sastavni dio ovog Ugovora.

UGOVORENA CIJENA

Član 3.

Ugovorena cijena za usluge iz člana 2.ovog Ugovora iznosi:

Cijena usluga koja su predmet ovog Ugovora bez PDV-a iznosi	5.900,00 KM
PDV na ponuđenu cijenu usluga iznosi	1.003,00 KM
Cijena usluge koja su predmet ovog Ugovora sa PDV-om iznosi.....	6.903,00 KM

Cijena za vrijeme trajanja ugovora ostaju ne promjenjene.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti nakon izvršene revizije glavnog projekta izgradnje centralne mrtvačnice-prosekture sa upravnom zgradom na groblju Bare u roku od 10 (deset) dana nakon prijema uredno ispostavljene fakture za izvršene usluge.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biti će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač je dužan u roku od 15 (petnaest) dana od dana potpisivanja Ugovora dostaviti reviziju projektno – tehničke dokumentacije glavnog projekta.

UGOVORNA KAZNA

Član 6.

U slučaju kašnjenja u izvršenja usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1‰ naručene usluge za svaki dan kašnjenja do urednog ispunjenja s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjanja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OBAVEZE PONUĐAČA

Član 7.

Vršilac usluga se obavezuje da će usluge iz člana 2. ovog Ugovora izvršiti stručno i kvalitetno u skladu sa pravilima svoje struke.

OBAVEZE UGOVORNOG ORGANA

Član 8.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 9.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši usluge kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo oštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 11.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 12.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

Član 13.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN:

KJKP „POKOP“ d.o.o. Sarajevo

Direktor, Goran Cerić

Broj, 0602-1531-5/18
Sarajevo, 04.05.2018. god.



DOBAVLJAČ:

„CEMA“ d.o.o. Sarajevo

Direktor, Hasan Čemalović

Broj, 18-Z/18
Sarajevo, 07.05.2018. god.